

შპს „ჯორჯია მეტალ“

ს/კ: 430037239

მის: ზესტაფონის რ.ნი სოფ. არგვეთა

საფოსტო კოდი:2000

ტელ:(995) 598 98 11 21

Email: georgiametallc@gmail.com



Georgia Metal LLC

ID N430037239

Address: Argveta, Zestafoni, Georgia

Postal/zip code: 2000

Tel: (995) 598 98 11 21

Email: georgiametallc@gmail.com

„-03-“--დეკემბერი--"-2021-" წ.

გარემოს დაცვისა და სოფლის მეურნეობის სამინისტროს

შპს „ჯორჯია მეტალ“ ზესტაფონის მუნიციპალიტეტის სოფ. არგვეთას ტერიტორიაზე გეგმავს მეტალურგიული საწარმოს მოწყობა-ექსპლუატაციას. დაგეგმილია რკინის ჯართის გამოსადნობი ღუმელების დამონტაჟება და სხვადასხვა კვითის არმატურის წარმოება.

რადგან მეტალურგიული წარმოება წარმოადგენს საქართველოს კანონის „გარემოსდაცვითი შეფასების კოდექსი“-ს I-დანართის მე-5 პუნქტით გათვალისწინებულ საქმიანობას, კომპანიამ 2019 წლის 24 დეკემბერს მიმართა სამინისტროს „გარემოსდაცვითი შეფასების კოდექსი“-ს მე-8 მუხლის შესაბამისად, შემუშავებული სკოპინგის ანგარიშით.

ანგარიშის განხილვის, ასევე ადმინისტრაციული წარმოების პროცესში შემოსული განცხადებებისა და შენიშვნების გათვალისწინებით სამინისტრომ, 13/02/2020 N1693/01 წერილით მოითხოვა ხარვეზების გამოსწორება.

ზემოაღნიშნული შენიშვნებისა და ხარვეზების გათვალისწინებით, ასევე გარემოსდაცვითი შეფასების კოდექსის მე-8 მუხლის შესაბამისად, გაახლებული იქნა სკოპინგის ანგარიში, რომელიც წარდგენილი იქნა სამინისტროში 2020 წლის 23 აპრილს.

გარემოს დაცვისა და სოფლის მეურნეობის მინისტრის 2020 წლის 16 ივნისის N2-497 ბრძანებით დამტკიცებული იქნა სკოპინგის დასკვნა N52. 10.06.2020.

გარემოსდაცვითი შეფასების კოდექსის მე-10 მუხლისა და სკოპინგის ანგარიშის ძირითად ნაწილის მე-4 და მე-5 პუნქტების შესაბამისად, საკონსულტაციო კომპანია „სამნის“-ს მიერ მომზადდა გარემოზე ზემოქმედების შეფასების ანგარიში, რომელიც გარემოსდაცვითი გადაწყვეტილების მიღების მიზნით წარდგენილი იქნა სამინისტროში 2021 წლის 24 აგვისტოს. გარემოსდაცვითი გადაწყვეტილების მიღებამდე ჩვენს მიერ განხორციელდა სამშენებლო-სამონტაჟო სამუშაოების დაწყება.

ამ აქტაპზე შესრულებულია სამშენებლო სამუშაოების ნაწილი, კერძოდ: დასრულებულია მიწის სამუშაოები; ტერიტორიის დიდი ნაწილი დაფარულია არმირებული ბეტონის ფენით, მოწყობილია გლინვის უბნის შენობა, სადაც დადგმულია საგლინავი დგანის მოწყობილობები. ტერიტორიაზე შემოზიდულია სამშენებლო მასალებისა და ტექნოლოგიური დანადგარების ნაწილი.



გარემოსდაცვითი გადაწყვეტილების მიღებამდე სამშენებლო სამუშაოების დაწყების გამო, გარემოსდაცვითი ზედამხედველობის დეპარტამენტის მიერ შედგენილი იქნა ადმინისტრაციული სამართალდარღვევის ოქმი, რომელიც შემდგომი განხილვის მიზნით გადაეცა ზესტაფონის რაიონულ სასამართლოს.

ამჟამად სამშენებლო სამუშაოები შეჩერებულია. სამშენებლო ტექნიკა და დაუსრულებელი შენობა-ნაგებობები მოყვანილია უსაფრთხოების შესაბამის მდგომარეობაში.

2021 წლის 08 ოქტომბერს სოფ. ქვედა საქარას ადმინისტრაციული ერთეულის შენობაში გაიმართა გზშ-ს საჯარო განხილვა, რომლის შემდგომ სამინისტროს 09/11/2021 წლის N11612/01 წერილით კომპანიას გამოეგზავნა შენიშვნები/საკითხები, რომელთა გათვალისწინებით მოხდა გზშ-ს ანგარიშის გადამუშავება.

გარემოსდაცვითი გადაწყვეტილების მიღების მიზნით წარმოგიდგენთ გაახლებულ გარემოზე ზემოქმედების შეფასების ანგარიშს და გარემოსდაცვითი შეფასების კოდექსის მე-10 მუხლით გათვალისწინებულ დოკუმენტაციას.

გთხოვთ განიხილოთ და გასცეთ გარემოსდაცვითი გადაწყვეტილება.

დანართი: გზშ-ს ანგარიში 1 ეგზემპლარი და ელ. ვერსია;

არატექნიკური რეზიუმე - 1 ეგზემპლარი და ელ. ვერსია;

ზდგ-ს ნორმების პროექტი - 2 ეგზემპლარი და ელ. ვერსია;

ზდრ-ს ნორმების პროექტი-2 ეგზემპლარი და ელ. ვერსია;

ნარჩენების მართვის გეგმა - 1 ეგზემპლარი და ელ. ვერსია;

საჯარო რეესტრის ამონაწერი;

Shp - ფაილები;

ამონაწერი სამეწარმეო რეესტრიდან;

სანებართვო მოსაკრებლის გადახდის დამადასტურებელი ქვითარი;

პასუხების სამინისტროს 09/11/2021. N11612/01 წერილზე და მოსახლეობის

საჩივარზე.

პატივისცემით,

გოჩა გვენეტაძე

დირექტორი

